

Ленинэнь киява

ВЛКСМ-нь Мокшэрэнь обкомонь ды Саранскоень ошонь комитетэнь газетаст

ФЕВРАЛЕНЬ

24 чи,

1937 ие

№ 23 (897)

ЛКСМ: 7-де ие
чинь птязь

Григорий Константинович Орджоникидзе ялганть ледстнемга Якстере площадьсэ траурной митингсэ ВКП(б) нь ЦК-нть ды ССР-нь Союзонь Народной Комиссартнэнь Советэнь пельде

В. М. МОЛОТОВ ЯЛГАНТЬ ВАЛОЗО

Ялгат! Минь емавтынек большевистской партианть ды советской государстванть сехте вадра руководительнестэ вейкенть, коммунизмань теветень кис кеме борезенть, чуткой, вечкевикс, пек пароседей Серго Орджоникидзе ялганть. Истямокс сон ульнесь минек туртов, сонзэ малавикс ялганзо ды оянзо туртов, ды Советской Союзонь робочееень ды крестьянонь келей массатнень туртов, ды аволь ансяк минек масторонь трудицтнень туртов. Серго Орджоникидзе лемезэ малавикс ды вечкевикс весе трудицтнень, кеместэ сюлмазь минек масторонь робочей классонть весе славной освободительной бороцямонзо марто ды сови социализманть историйонзо пролетарской революционертнень сехте героической лемтнень марто рядс.

Грузинэнь крестьянинэнь трудовой семьясто лисезь, — Орджоникидзе ялгась, эсинзэ сознательной эрямонь васень иетнестэ саезь, максызе эсь пряно царизманть угнетательской властензэ алдо ды помещиктнень ды капиталисттнень лепштымоост алдо крестьянтнень ды робочейтнень менсямо теветень. Эшо пек одшкастонзо теветизе сонзэ большевиктнень рядтнэс.

Серго Орджоникидзе теевсь большевикекс, кодак ансяк ине Ленин кепедизе большевистской знамянь. Ды теде-мейле весе эрямонзо перть ульнесь Ленинэнь — Сталинэнь партианть верной черакс, апак сизе сонзэ строицкс, сонзэ ламо успештнень ды трудицтнень революционной бороцямонь изнявкстнень большевистской организаторокс.

Сонзэ эрямозо ульнесь аволь шождине. Прок алкуксонь пролетарской революционер, кона кеветее иеть бороцясь коммунизмань теветень кис эшо инязоронь самодержавиянь режименть условиясонзо, сон мольсь икелев кежев репрессиятнень цырахманонть ало. Те шканть пек покш пельксэнзэ сонэнзэ савсь ютавтомс васоло ссылкасо, тюрьмасо ды каторгасо. Революционной бороцямонь весе иеть испытаниятнень трокс, кона сайсь пельдензэ ламо вийть, сон ютась пряно вергакс кепедезь, большевизмань знамянь ало трудицтнень изнявксозост виевстэ кемезь.

Зярдосась шка, штобу большевистской партиася допрок теевель ды допрок олякстомоволь меньшевистской попутчиктнень эйстэ — Орджоникидзе ялгась кармась улеме знаменитой Пражской конференциянь основной организатортнестэ вейкекс, кона честь марто топавтызе те задачанть. Сон шнась эсь пряно, ды ульнесь тенень полной правазо, што партианть строямонзо коряс весе сонзэ пек вадра роботазо ютась Ленинэнь ды Сталинэнь велямоост коряс.



Революциянь иетнестэ минь содасынек сонзэ Якстере Армиянь ды гражданской войнастонть сонзэ ламо пек вадра изнявкстнень прок а сизия покш организаторокс, Закавказьянь советской республикатнень признанной строицкс ды Закавказьясо, истяжо Северной Кавказсо национальной мирэнь главной ютавтыцкс, социалистической индустриянь ды сонзэ пек вадра успештнень талантливейшей руководителекс. Якстере Армиянь организовамонь васенце читнестэ саезь Серго ялгась ульнесь сонзэ рядтнэс. Гражданской войнань ламо решающей фронттнэс сон вети Якстере Армиянь сонзэ пек вадра изнявкстнень. Истя ва — весе гражданской войнань перть, зярс советской властэсь допрок эзинзе изня ашогвардейской бандатнень ды лия масторонь интервенттнень армияст. Серго Орджоникидзе лемезь — Якстере Армиясонть пек популярной лемтнестэ вейке лем ды кадови истямокс пачк.

Кавказов, косо сон ушодызе революционной роботанть ды кемекстась прок большевик, сон велявтсь Октябрьской революциядо мейле, муссаватисттнень, меньшевиктнень, дашнактнень ютксто эрвва кодамо националистической временчиктнень эйстэ менстиця, конат службасть эсист буржуазиятнень ды микшнесть родной моданть ды эсист честест лия масторонь буржуазиятнень. Сон тесэ пугыне советской строень основатнень ды национальной культуратнень алкуксто кепедемань ушодксонть. Тесэ сон допрок кемекстась весе Советской Союзонть, весе минек большевистской партианть прок пек покш деятель.

Течи минек сознаниясонок сон стякшны, васняк, сталинской пятилеткатнень эпохань социалистической индустриянь прок пек вадра организатор. Сонзэ велямонзо коряс стака промышленностэ теевсь весе мастор лангонь пек покш виекс ды тевсэ теевсь весе народной хозяйстванть технической реконструкциянь большевистской базакс. Сонзэ велямонзо стака индустриянь коряс аволь ансяк васенце, но омбоце пятилеткаськак изнявкс марто топавтоз 4 иес. Сон жо апак сизе тердсь яла од ды од виень путомо, стякшнось эрвва кодамо косностень ды рутинанть каршо, мобилизовась вийтнень икеле молиция техниканть ды икеле молиция производственной норматнень сэрй таркаст кедь-коморс саеманть кис, тердсь коммунисттнень-хозяйственниктнень весе роботасост большевистской партийностентень, ялгакс лембестэ кепедсь мелест весе честной специалисттнень, смелстэ аравтнесь икелев од вийгь партийной ды беспартийной большевиктнень эйстэ. Ды арась лия лем Советтнень масторонь хозяйственной руководителтнень ютксо, кона улевель бу истя кеместэ, истя а сезевикстэ сюлмазь социалистической индустриянь решающей изнявкстнень марто, кода Серго Орджоникидзе лемезь.

Прок алкуксонь большевик, Серго ялгась пек чуткой ульнесь массатнень, общественной инициативанть, кона мольсь робочейтнень, трудицтнень ютксо. Стаханов шактеронть пек вадра ушодксонзо сон васенце кепедизе энтузиазма марто, сеск жо неинзе сонзэ эйстэ промышленностень аволь ансяк сыця успештнень, но социа-

лизмань од ине вийтнень лисеманть-как. Кода содасынек, стахановской движениясь теевсь весе минек строительстванть одс кепедемань ой-мекс Инженертнень ды хозяйственниктнень нист, ютксо движениясь уш васень ушодксонть вастсь Серго ялганть эндо покш лездамо. Се шкастонть саезь те движениясь кармась кепедеме социалистической стройкань активной участникень покш од пласт ды виензызе робочейтнень кис миненек пек эрявикс мелявтоманть — ды весе те пек питней общественной инициативанть келейавтоманзо основанть лангсо.

Течи минь протятано питней, малавикс, родной ломань марто, конань пек вечкизе ды вечки партиася, робочей классось, весе народось. Минь содатано, што сонзэ шумбра-чизэ ульнесь колазь революционной бороцямонь стака иетнесэ ды стака роботасонть. Но сон ульнесь а сизияк, ды мукшнось эсинзэ эйстэ, неавсь, виень зярдояк а маштыця лисьма пря.

Минек народонть ды весе трудицянь врагтнэ, фашизманть троцкистской вырокатне ды лият подлой двурушниктнэ, конатнень измеческой роботаст куруксто емамос сюдозь буржуазиятнень службасо тейсть Орджоникидзе ялганть истят пштити ды весе миненек чаркодевикс переживаният, кандыть ответ сень кисэ, што ламо до капшалгавтызь минек Сергонь куломанзо. Орджоникидзе ялгась эзь учне, што Пятаковтнэ, конатнень ульнесть максозь истят возможность, могут прамс истя алов, кеверемс контрреволюциянь истямо рудазов, чопода ямас. Минь содатано, кода тень лангс отвечаемс...

Сонсь Серго весе эсинзэ героической эрямосонзо, кона педес-пес максозь трудицтнень врагост каршо бороцямонть, коммунизманть изнявксонзо кисэ бороцямонть, тейсь тень туртов истя ламо, кода тейсть ансяк аволь пек ламот.

Серго Орджоникидзе шачозо пачк карми аштеме минек икеле, коммунизмань теветень кисэ славной большевистской борезенть эрямонь прок валдо примерэкс. Сондедензэ памятесть аволь ансяк миненек, но икеле пелень сыця поколениятненьгак карми служамо народтнень весе ине семьянь целанек олякстомоманзо ды уцяканзо кисэ, коммунизманть допроконь торжестванзо кисэ беззаветной бороцямонть тердемакс.

Робоче-Крестьянской Якстере Армиянть пельде К. Е. ВОРОШИЛОВ ялганть валозо

Робоче-Крестьянской Якстере Армиясь Советской Союзонь весе трудиянень марто вейсэ течи а еставикус сэрдыкс марто комавты боевой знамянзо эсинзэ ялганть ды боецэнтэ а стувтовикс Григорий Константинович Орджоникидзе уловонзо вельксэс.

Эшо овси аволь умок Якстере Армиясь минек масторонь весе народнян марто вейсэ псистэ праздновась сонсинзэ вечкевикс ялганть ды оянтэ Сергонь героической сонзэ пек вадра эрямонь 50 иень топодеманть. Ды вана течи минь проштитано сонзэ марто пингед-пингес. Эз кирде тюрьманесэ, ссылкатнесэ ды социализманть кис ламо иень виев борцямонтесэ муцявозь свал жив, бурнопламенной Орджоникидзе сеезэ.

Кады эйсенек ломань, кона весе эрямонзо перть палс революционной борцямонь ды социалистической тевень теemanь толсо, кона маштсь большевистской оймень весе вийсэнзэ домкасто вечкемс ломаньтнень ды а вечкемс народонь весе предательтнень, социализмань врагтнень. Туи минек пек вадра эрямоньт сонзэ пек вадра творецтнэсэ вейкесэ. Но социализмань миллионь строиянень седейсэст, сы шкань поколениянть седейсэст карми эрямо зярдояк а пак куло, трудиянень виде оянтэ, народнянть уцяскаст кис виев борцянть, социализмань алкуксонь строиянть Григорий Константинович Орджоникидзе шачозо.

Серго Орджоникидзе эсинзэ пек вадра эрямонь покш пельксэнтэ максызе Марксонь—Энгельсэнь—Ленинэнь—Сталинэнь тевентень. Сон а беряньстэ роботась ломаньтнень уцяскав-чист туртов ды ломаньтне кармить сонзэ ледстнеме пингед-пингес.

Григорий Константинович Орджоникидзе кассь, воспитался ды калявсь пролетарской революционер большевикс минек ине партиянть рядтнэсэ, Ленинэнь ды Сталинэнь непосредственной руководством коряс.

Зярдэ ушодовсь Октябрьской Социалистической революциясь, Орджоникидзе ялганть васенце читнэстэ жо партиясь кучизе классовой вооруженной туремань сех-ответственной участкас, тов, косо веревь, виев турематнесэ решавшность пролетарской революциянть судьбазо. Робоче-Крестьянской Якстере Армиянть борцямонь ды строямонь иетне а пак сезеве сюлмавозь Серго Орджоникидзе лемэнзэ марто. Сон ульнесь талантливой военной сеть организаторнэстэ вейкекс, конат эсист кемечисэст ды выдержкасост, геройствасост ды мужеством, революциянть тевентень беззаветной преданностьсэст гражданской война фронтнэсэ кирватсть командиртнэсэ ды боецтнэсэ революциянть виевентень кемема ды тердсть эйсэст борцямонь ды изнямо.

Певтеме виенть ды революционной энтузиазманть марто сон тейнесь ды ветьсэ Якстере Армиянть отрядтнэнь, полктнэнь, дивизиянень народтнэнь тевентень кис, социализманть кис борцямонь.

Германской захватчиктнэ, весе мастень украинской ашогвардеецтнэ, панской Польшань войскактнэ, Азербайджанонь муссаватистнэ, армянской дашнактнэ, грузинской

меньшевиктнэ ды революциянть вее-се лия врагтнэ,—весе сынэ эсистлангсо маризь якстереармейской частнэнь виест, конатнэнь теинзэ ды ветьсэ лагсост руководства Серго Орджоникидзе.

1917 иестэ Пулкова маласо, Октябрьской революциянть изнявкитнэ де мейле сескжо омбоце чистэнтэ Серго Орджоникидзе изнявкс марто якстерегвардейской пролетарской отрядтнэнь прятво тури Крайновонь ды Керенскоень войскактнэнь каршо. 1918 иентэ ушодовома шкастонзо Орджоникидзе—Украинасо Народной Комиссариатнэнь Советэнтэ уполномоченноезэ. Немецкой наглой интервентнэ украинской продажной буржуазиянть марто вейсэ наргить ды грабить пек вадра масторонть, розорить сонзэ велетнэнь ды оштнэнь. А еставишка стака условиятнесэ, пей видсь вооруженной врагонть толонзо ало Орджоникидзе ялгась Украинань большевиктнэнь марто вейсэ пурны якстереармейской отрядт ды организови врагтнэнь каршо турема.

1918 иень кизэнтэ Ленин ды Сталин Орджоникидзе ялганть кучизь Северной Кавказов. Ламо национальность марто краесэ васенцеде печтась революционной вийтнэнь организовамосост сехте стака чить. Партизанской пек ламо отрядтнэ, политической кеме руководстватомо не могут вейсэндямс эсист виест ветить тевенть башка-башка ды согласованностьаме. Тень нолдасть эсь лезэзэст масторонть эрва ендонзо вейс лиятвозь ашогвардейской контрреволюционертнэ, лия масторонь нинтервентнэнь лездемост коряс.

Ды эрявсь Сергонь организаторской талантозо, сонзэ революционной покш виезэ, эрявсь улемс Ленинэнь—Сталинэнь школань алкуксонь большевикс, штобу истямо обстановкасэ вейсэндямс краен революционной весе элементнэнь пек ламо классовой врагтнэнь каршо борцямонь единой целентэ туртов. Якстере 11-це Армиясь ульнесь Северной Кавказсо организованной васенце виекс. Сон ульнесь теезь минек Сергонь кедьтнесэ. Те армиясь кеместэ ды успешно турсь ашо казачестванть каршо ды организованной контрреволюциянть каршо. Но, контрреволюциянть покш вийтнэнь лепштямост ало, конатнэнь пек виевст лездемост вооружениясь ды снабжениясэ английской интервентнэ, 11-це армиянть частнэ потаст Астрахань енов, Орджоникидзе ялганть жо пек аламо боец марто савсь кекшэмс кавказской пандтнэсэ. Но пролетарской революциянть а изнявомазонзо те мужественной революционерэнт кемемазо эзь машине, пек стака условиятнэнь лагс а пак вано, конатнес понгсть неть геройтне—боецтнэ.

1919 иень кизэнтэ Орджоникидзе ялгась западной фронтсо 16-це армиянть реввоенсоветэнь член. Те армиянть беряньстэ организоваз, беряньстэ снабженной частнэ эсть цидярдэ врагонть каршо. Сонензэ свойственной большевистской энергиянть марто Серго ялгась целанек туи якстереармеецэнь частнэнь кемекстамост коряс, снабженианть вадрылгавтоманзо коряс, партийной аппаратонть виензамонзо коряс работанть. Деятельной ды мездеак а пелиця сон появакшны эрва косо, косо эряви кеме

кедь—фронтсо, вень разведкасо, наступлениясь молиянть рядтнэсэ, якстереармейской казармасо, тылсэ. Сталин ялганть ветьмонзо коряс Орджоникидзе ялгась курок ладинзэ 16-це армиянть частнэнь ды сон макссь эрявикс отпор ашо поляктнэнень.

Сталин ялгась содылинзэ Серго Орджоникидзе пек вадра чистэстванзо. 1919 иень сексия Серго Якстере 14-це Армиянть Реввоенсоветсэ член, конань ударной группазо теевсь чивалгома енонь фронтонь частнэстэ. РККА-нь командиртнэстэ кие а повнясы, а содасы Орел вакссо веревь туреманть обед ено контрреволюциянть тапамонь сталинской планонть тевс ютавтомсто! Ленин лемдизе те боентэ гражданской войнасонть сехте ламо верень валоме схваткакс. Ашотне тапазельтэ ды тагдавотэз талакавтовозь кеверстэ обед енов. Советской Союзонь народтнэ зярдояк а стувтсыз, што 1919 иень се кежей сексэнтэ—ине Сталинэнь руководстванзо коряс Орел вакссо войскактнэнь ветьсэ бойс ды кепелс сынст мелест минек вечкевикс ояс, минек партиянть боецэс, Григорий Константинович Орджоникидзе.

Орел вакссо ашотнэнь тапамодост мейле Серго ветьсэ Донбассонь олякстомтомань, Харьковонь саемань, керш берексо весе Украинасонть ашотнэнь панемань тевенть.

1920 иентэ ушодовомсто Орджоникидзе ялгась одов Северной Кавказсонть уш изнявксонь теия якстере войскактнэнь марто. Сон ульнесь кавказской фронтонь революционной военной советэнь ды Северо-Кавказской ревкомонь пряттокс. Прок партиянть ЦК-нь ды советской правительствань уполномоченной Серго вети Северной Кавказонь народтнэнь олякстомтоманть. Сонзэ ветьмонзо коряс якстере войскактне олякстомтыз Азербайджанонть, Бакунтэ.

1921-це иень февральстэ, эсинзэ родной народонть тердеманзо коряс, кона лепиякшнось меньшевистской лепштямонть ало. Серго моли якстереармейской частнэнь пряттокс восставшей грузинской рабочейтненень ды крестьянтнэненень лездемо. Февралень 25-це чистэ советской властенъ якстере-знамась лыйни Тбилисинть вельксэсэ ды коновь перть меньшевистской бандатне пансезельтэ педес олякстомтозэ Грузиянть территориянзо лагсто.

А емия славасо велтиз эсь прятт якстереармейской частнэнь ды армиятне Серго Орджоникидзе кеме ды мужественной ветьмонзо коряс обед ено ды чивалгома ено фронтнэнь бойтнесэ ды Северной Кавказонть, Азербайджанонть, Армениянть ды Грузиянть олякстомань кис бойтнесэ.

Гражданской войнанть прядомадо мейле Серго таго активнасто строи Якстере Армиянть. Советской Социалистической Республикатнэнь Закавказской Федерациянть партийной руководителекс ды Закавказской краснзнаменной армиянть реввоенсоветэнтэ председателекс работамсто Орджоникидзе ялгась организови РККА-нь од покш национальной формированиянть.

Зярдэ партиясь максызе Орджоникидзе ялганть партиянть рядтнэнь ванькс чист ды кеме-чист мельганоманть ды контроленть, Се-

рго вейкеак чис эзизе лоткавти минек родинань оборонанть кемекстамонь роботанзо. Сон лагс ливтнэне, пансинзэ весе сетнэнь кить лавшомгавтсть Якстере Армиянть виензэ, лавшомгавтсть большевистской рядтнэнь единстванть.

Васенце ды омбоце пятилеткань иетнэстэ Орджоникидзе ялганть прок стака промышленностень ветициянть лагс лия пек важной зачатнэнь марто вейсэ прась эшо ответственной задача—топавтомс Якстере Армиянть борцямонь неень шкань средстватнэнь максомань ды вооружениянть коряс Сталин ялганть указаниязо.

Народтнэнь вождентэ те почетной ды стака поручениянзо Орджоникидзе ялгась топавтызе пек парсте. Сон содынзэ оборонной промышленностень сехте вадра конструктортнэнь, рабочейтнэнь-ударниктнэнь ды стахановецтнэнь эйстэ сехте вадра ломантнэнь. Сон содынзэ мезе эряви Якстере Армиянть. Ды сон маштсь кепедемс, кирвастемс инженертнэнь, техниктнэнь ды рабочейтнэнь сехте вадра самолетонь, танкань, вель алга якиця венчень, пулеметонь ды пушкань тееме,—весе сень, мезе эряви оборонань технической виентень

Якстере Армиясь ашти мирсэнтэ виевдеак виев армиякс, сонзэ технической оснащенностезэ ды вооружениянзо аштитэ неень шкань требованиянть серьсэ. Темсэ исторической, покш заслугазо минек родной Сергоньгак. Якстере Армиясь, советской масторонь ломаньтне тень кисэ евтуть течи минек пламенной Сергонень эсист меельсэ пси пасибат боецтнэ, командиртнэ ды политработниктнэ зярдояк а стувтсыз Григорий Константинович Орджоникидзе, эсь ялгаст Сергонь, социалистической родинань ине патриотонть.

Изниця социализмань Якстере Армиясь, эсь знамятнэнь комавтозэ, клятвеннасто алты теть, питней Серго, социалистической ине Родинанть кеместэ ванстома, конанень максык эсь эрямот, ды сонзэ весе агрессивной врагонзо педес-пес маштома.

Мир тонь прахонтень, минек оянок, минек вечкевикс ялганок, минек чудесной боецэнэ!

**Ларго кабальеронь
пельде телеграмма
Валенсиясто 1937 иень
февралень 22-це чистэ
НАРОДНОЙ КОМИССАРТ-
НЭНЬ СОВЕТЭНЬ
ПРЕДСЕДАТЕЛЕНТЬ**

МОСКОВ
Орджоникидзе куломадо кулясь кандсь пек покш ризкс Испаниянть антифашистской народонтень. Приминк минек ризксэнь етамонть те ялгантэ емавтоманзо коряс. Вейсэнгадано ине народонтэ сонзэ пек вадра комиссаронть марто остаткадо проштямонь торжественной актонть.
Ларго Кабальеро

Отв. редактороо М. ЛЮПАЕВ